

Ti xroon yóxin chr'éhen Pablo ti sin

Tesalonicenses

Nixjehe Pablo ti sin Tesalónica

1 ¹*Janhan Pablo, Silvano la ko Timoteo mé ikjian ti xroon i, chr'ahan nínko itjen Tesalónica kixin nkokoa tinkáchónkini It'éni Díos la ko Ìnchéni Jesucristo. ²It'éni Díos la ko Ìnchéni Jesucristo sintañaora kixin kjuaxróxin ts'ejora kixin tjuahára ch'an.

Díos sinchekitoxén ijie ti ó tsokjan Cristo

³Kíchóni, nkochríxín chjéheni Díos kjuasáya kixin ti jahara. La ticháxin xikaha chrókjuích'eni kixin tinkák'ánkí ti tinkachónkira Ìnchéni Jesús la ko tinkák'ánkí ti tjuéhéra kichuara. ⁴Ndá chéheni chenkaní ti sin kíchóni kaín ti nínkué Díos kixin, kjónté síin chojni nínkakohanra tjinkaon chrók'oñára, la ko kjónté tjejó t'atsínkara itsjé kjuaxróxinhña, la naxa títóéhyara tjákoxinra kixin tinkachónkira Ìnchéni. ⁵Tíha mé tjákoxin kixin Díos

la jína la ko tjinkaon ch'an kixin chaxín jína ts'ixehénra ti t'etuaxín ch'an; mé xikaha tjejetjasótiara ijie kixin titekáonra ch'an. ⁶Díos la imá jína tjenkayáxin la chr'éxin sinchekjasóte ch'an ti sin tjejónchekjasóte ti jahara ijie. ⁷Ndá tsjajon ch'an kjuachaxin kjuaxróxin ts'ejora kixin ó kjuixin kjuasótiara, la ko kjaxin jeheni kjuaxróxin ts'ejóni ti ñao itsi Ìnchéni Jesús ts'inkajixín ch'an nkajní la ko kaín ti sin ángel kuénté ch'an chóna nchónhña kjuachaxin itsi chr'ikjan xrohi. ⁸Mé xikaha itsi Ìnchéni kixin sinchekjasóte ch'an ti sin kuitekakuenhña Díos la ko kuitekakonhña ti itan jína chrónka Ìnchéni Jesucristo chrókuaáxin sin. ⁹*Méxra ti sin kuitekakonhña mé tsjasóte sin, ts'itjáña sin nkochríxín la ts'ítuehen sin sátsji sin ikjín ti kohya Ìnchéni, la í ts'ikónhña sin ti kjuachaxin kuénté ch'an. ¹⁰Mé xikaha tsohen ti ñao itsi Ìnchéni la kaín ti sin kjuínchetjóa

Ìnchéni la tsjikosáyehe sin ch'an, la ko kaín ti sin kuitekaon ts'ikon sin ti kjuachaxin ijie kuènté ch'an. Mé xíkaha kjaxinra ts'ikonra kixin ó kuitekáonra ti nkehe kjuakoni.

¹¹ Mé xíkaha nkochríxín tjancheheni Díos kixin jína chrók'uejora éxi tjinkaon ch'an chrók'uejó ti sin kjueyá ch'an, la ko tjancheheni ch'an kixin chrótjáhara ch'an ti kjuachaxin kuènté ch'an kixin chrókjuachara chrókjuich'era kaín ti ixra jína tjinkáonra sich'era kixin tinkachónkira Ìnchéni. ¹² Mé xíkaha kaínra tsjikosáyehéra ti ihníé Ìnchéni Jesucristo la ko jehe ch'an tsjikosáyahara ch'an kixin tinkachónkira ch'an la ko tjuahára ch'an la ko Ìnchéni Jesucristo.

Ti itsi ti chojni kuènté ijie

2 ^{1*} Andá ijie kichóni, ó nohara kixin ó itsi Ìnchéni Jesucristo la tsonkotséni ti itjen ch'an; méxra xíkaha xrjanoáhára ² kixin chrókjuinkíhyara ti nkehe tjénkayáxinra, la ko chróchrakonhñara ti chróndáchro nkojín nkexro kixin ó kjuixraká ti ñao itsi Ìnchéni, la ko chróchrakonhñara ti nkojín sin sich'ia tsondáchro kixin nchakuén Díos chrónka tíha o k'uáyéhe sin ijnko xroon éxi jeheni tsíchr'áni, chrónka kixin ó kjuixin ikui Ìnchéni.

³ Títoéhyara kixin nkojín nkexro chrókjuít'ayahara. Kixin ti naxa tihya ti ñao la itsi itsjé chojni tsonínkakohen Díos, la ko itsi ijnko nkexro jínahña chóna ijie, sinchek'itjáña kaín ti nkehe jína. ^{4*} Ti nkexro jínahña i, la tsonínkakohen Díos la ko tsonínkakohen kaín ti nkehe tinkáchónki chojni, la ts'ixehen nkaxehen ti nínkué Díos ts'etjaxin la tsondáchro kixin jehe mé Díos la sich'éna asén Díos.

⁵ ¿Á xráxinkákonhñara kixin xíkaha k'uéxrjanka ti naxa k'uéjoni nkoqoa ní? ⁶ Andá ijie jahara ó nohara ti nkehe naxa t'inkákohen kixin ti nkexro jínahña naxa tihya, hasta tsjixrakájña ti ñao tsoxrajon kjuachaxin. ⁷ Kixin ijie la ó imó ich'e ixra ti kjuachaxin kuènté jínahña la naxa t'itjáña kixin sáchrokjui ti nkexro tinkákohen kixin ndá chaxín itsi ti nkehe jínahña. ^{8*} Ndá ti nkexro jínahña la itsi. Ndá ti ó itsi Ìnchéni Jesús, la ti itan ts'axrjexín ir'ua ch'an ó, ts'énxín ti nkexro jínahña, mé xíkaha Ìnchéni sinchek'itjáñaxín ti jínahña ti kjuachaxin ijie tsikao. ^{9*} Ti nkexro a mé tsikao ti kjuachaxin kuènté ti Jínahña, la xíkaha tsochóna kjuachaxin sich'ia la ko tsjasin kjuaxroan ijie, kjánchó jehó sich'iyaxón tíha. ¹⁰ Mé xíkaha kaín nkehe jínahña sich'iyexín ti sin ó xráxín

ts'itjáña kixin tjinkakönhña sin tsitekaon sin ti itan chaxín ndoá chrókuaáxin sin. ¹¹Mé xikaha tsítóhe Díos ti jehe sin kixin tsitekaon sin kaín ti nkehe chaxínhña la ko kaín kjuach'ia, ¹²kixin ndá tsjasóte kaín ti sin kuítেকakönhña ti itan chaxín chrókuaáxin sin kixin antsí kóxrñin sin ti ijje.

Ti nkexro kjueyá Díos kixin tsochonta kjuachón nkochrín

¹³Andá jeheni nkochrín chróchjeheni kjuasáya Díos kixin ti jahara kíchóni tjuahára Ìnchéni. Ósé tsíkjeýá Díos ti jahara kixin chrókuaára la ti Nchakuén ch'an tsotjuáxinra, la ko ti itén ch'an chaxín ndoá kuitekáonra. ¹⁴Mé xikaha k'ueýahára Díos kixin chrókuaáxinra ti itén ch'an tjakoni, kixin tsjachara ts'ejora ti itjen ti kjuachaxin ijje kuènté Ìnchéni Jesucristo.

¹⁵Mé xikaha, kíchóni, jína chrók'uejora, chrók'uitjáñahñara ti nkehe kjuakoni ti ó k'uéjoni nkokqa, la ko ti nkehe chrónka ti xroon ikjini k'uayéhéra. ¹⁶Ìnchéni Jesucristo la ko It'éni Díos imá tjehe ti jeheni la ko kjuasáye ch'an tjinkítsa ch'an kixin tsochéheni nkochrín la ko ts'ejóchóheni itsi Ìnchéni. ¹⁷Jehe ch'an tsjajon ch'an kjuachéhe la ko sinchefeuer te ti asánra la tsjajon ch'an kjuachaxin kixin ndoá chrónixjara la ko kaín ixra jína chrókjuich'era.

Chrokjuikosáyehe sin ti itén Díos

3 ¹Andá ijje xrjanoáhára, kíchóni, kixin chrókjuanchehéra Díos kixin chrókjuinkítsa ch'an ti jeheni kixin tjoka sáchrokjui ti itén Ìnchéni chrókuihin sin nkuíxín, kixin chrókjuikosáyehe sin Díos éxi jahara xikaha.

²Kjaxin tjanchehéra Díos kixin chrókjuinkítsa ch'an ti jeheni kixin kohya nkehe chrókóheni ti siín chojni jínahña nínkakohen ti jeheni, kixin jehya kaín chojni tinkáchónki sin Ìnchéni.

³Kjánchó Ìnchéni mé chaxín jína ch'an la tsítóehya ch'an ti jahara, naxa tsjínkítsara ch'an kixin jína tsjak'era la ko ts'ayakohanra ch'an kixin kohya nkehe tsohanra. ⁴Ó noheni kixin Ìnchéni sinchexiteýa kaín ti nkehe ndáchro la ko tsjinkítsa ch'an ti jahara kixin naxa nchexiteýara kaín ti nkehe k'uetqani. ⁵Ìnchéni mé tsjínkítsara kixin tsonohara kixin Díos la tjuahára, la chrókjuachara chrok'uat sínkara kaín ti nkehe itsi éxi kjuacha Cristo.

Ticháxin sich'eni ixra

⁶Kíchóni, t'etuaxíní kjuachaxien ihñé Ìnchéni Jesucristo kixin chrók'uaxrjekjanxínra ti sin tjinkakönhña sich'e ixra la ko xrihya éxi kjuakoni. ⁷Ó

nohara nkexrín chrók'uejora, chrókjuákoxinra éxi nkexrín kjuak'é kixin jehya chrókjuak'ekoáni, la náhí. ⁸Jehya kjoniekoáni ti niotja kjuajon nkojín nkexro ndá kjuenkahyani. Kóxakoheni nchakotjin la ko tie kjuích'eni ixra kixin tjínkakhonhña chrótjáhara ixra chrókjuájonra nkehe chrókjonieni. ⁹Kjóté chóntani kjuachaxin chrókjuanchiani kixin chrókjuínkítisara, kjánchó kjuích'eni ixra, la xíkaha kjuakoxini kixin kjaxinra xíkaha chrókjuích'era ixra. ¹⁰Kixin ti naxa k'uéjoni nkokoa ntiha la k'uetani kixin ti nkexro tjinkakonhña sich'e ixra la kjaxin chrókjoniehña. ¹¹Ó kúfhini kixin nkojinra la ninkehó ixra ch'ehyara, andá kjuach'ia ó xríkora. ¹²Méxra kjuachaxien Ìnchéni Jesucristo t'etoxini la ko chrónòani kixin chrókónínkakhonhña sin chrókjuích'e sin ixra kixin chrókjuacha sin chichaon

chrók'uite ti nkehe chrókjonie sin.

¹³Ndá jahara kíchóni, chrók'óxrjéhya asánra, chrókjuich'era ti nkehe jína.

¹⁴Ti nkojín nkexro titekakhonhña ti nkehe t'etoxan ti xroon i, la tsjehéra jína nkexro tíha, ndá chrók'uitonhñara kixin chrókósuéhe ch'an.

¹⁵Kjánchó jehya kixin chrókjuajonkora ch'an. Náhí. Chrokjuinchexraxinkáonra ch'an nkojína éxi ijnko kíchóni.

Kjuixixín nixja Pablo

¹⁶Ìnchéni mé tsjajon ti kjuaxróxin la ko naxa tsotjáhara ch'an kjuaxróxin nkochríxín. Jehé ch'an mé ts'ayakohanra kaínra.

¹⁷Janhan Pablo, tjaná kjinxian ti nkehe nixjahára, tíha mé tsjatsoxáninra kixin janhan ikjian kaín ti xroon ichr'án.

¹⁸Ìnchéni Jesucristo mé sintañaora kaínra. Mé xíkaha tsohen. Ó tjen.